


Zaštitna obilježja nove serije KM novčanica

izdanje 2012




1 Centralna banka Bosne i Hercegovine u 2012. godini pušta u optjecaj novu seriju novčanica konvertibilne marke u apoenima od 10 KM, 20 KM, 50 KM i 100 KM. Ove novčanice imaju određene razlike u odnosu na prethodna izdanja. Godina izdavanja navedena je ispod potpisa i riječi "GUVERNER" na licu novčanica. Prethodna izdanja novčanica i dalje će ostati u optjecaju.

- | | | | |
|--------------------------|--------------------------|----------------------------|------------------|
| 1 Vodeni znak | 3 Prozirni registar | 5 Iridiscentna traka | 7 Intaglio tisak |
| 2 Zaštitna nit s tekstom | 4 Zaštitna nit "Motion™" | 6 Optički promjenjiva boja | 8 Mikrotisak |
| | | | 9 UV obilježja |



1. Vodeni znak

Nova serija KM novčanica ima višetonski vodeni znak s motivom skulptura sa svjetiljkama na glavnom ulazu u zgradu Centralne banke Bosne i Hercegovine u Sarajevu. Ispod motiva skulpture svaki apoen KM ima poseban svijetli vodeni znak – oznaku nominalne vrijednosti. Vodeni znak se vidi pod propusnim svjetlom, odnosno kada se novčanica drži prema svjetlu.




2. Zaštitna nit s tekstom

Nova serija KM novčanica ima zaštitnu nit, koja je potpuno ugrađena u papir i unutar nje se vidi tekst različit za svaki apoen: 10 KM, 20 KM, 50 KM i 100 KM. Tekst ima "efekat zrcala", tj. pod propusnim svjetlom se može čitati i s lica i s naličja.



3. Prozirni registar


Kada se novčanica drži prema svjetlu, elementi tiskani na licu i naličju novčanice uklapaju se i čine petokut.



4. Zaštitna nit "Motion™"

Sve novčanice KM iz nove serije imaju i mikrooptičku zaštitnu nit, širine 4 mm, s prozorima. Apoeni od 10 KM i 20 KM imaju tri prozora, a apoeni od 50 KM i 100 KM imaju četiri prozora u kojima nit izlazi na površinu papira. "Motion™" nit ima različitu boju za svaki apoen: 10 KM – azurnoplava; 20 KM – zelena; 50 KM – crvena; 100 KM – ljubičasta. Motiv niti na svim apoenima je pero koje se pomjera ovisno o kutu promatranja na način da kada se:

- Gornja ivica novčanice nagne naprijed prema promatraču, pero se pomjera ulijevo
- Donja ivica novčanice nagne prema promatraču, pero se pomjera nadesno
- Desna ivica novčanice nagne prema promatraču, pero se pomjera nagore
- Lijeva ivica novčanice nagne prema promatraču, pero se pomjera nadolje



5. Iridiscentna traka

Na apoenima 10 KM i 20 KM, vertikalno preko cijelog naličja novčanice nalazi se iridicentna traka širine 10 mm. Kod oba apoena traka prikazuje oznaku KM, te oznaku nominalne vrijednosti. Kada se novčanica promatra pod različitim kutom, traka svjetluca i mijenja boju.



6. Optički promjenjiva boja

Na apoenima 50 KM i 100 KM, oznaka nominalne vrijednosti u donjem desnom kutu naličja novčanice tiska se posebnom optički promjenjivom bojom. Efekat promjene boje može se vidjeti kada se novčanica promatra pod različitim kutom. Na 50 KM boja se mijenja od ljubičastocrvene u zelenkastosmeđu. Na 100 KM boja se mijenja od zlatnosmeđe do maslinastozelene.




7. Intaglio tisak

Intaglio tisak se nalazi na licu novčanice u označenim područjima i može se osjetiti pod prstima.



8. Mikrotisak

Novčanica ima mikrotisak na oba pisma "СВВНЦБХ" u dnu lica novčanice.



9. UV obilježja

Novčanica na licu i naličju imaju područja tiskana fluorescentnom bojom, koja svijetle pod UV zracima. U području vodenog znaka, sve novčanice KM na licu imaju i fluorescentnu oznaku nominalne vrijednosti. Osim toga vlakna, ugrađena u papir i nevidljiva na dnevnom svjetlu, pod UV svjetlom se vide u crvenoj, zelenoj i plavoj boji. Fluorescentne osobine imaju i serijski brojevi novčanica.



Verzija FBiH



Verzija RS

